

Ad quantum dicendum, quod claritas Dei quamvis excedat omnem formam qua nunc intellectus formatur, non tamen excedit ipsam essentiam divinam, quae erit quasi forma intellectus nostri in patria; et ideo licet nunc sit invisibilis, tamen tunc erit visibilis.

Ad sextum dicendum, quod quamvis finiti ad infinitum non possit esse proportio, quia excessus infiniti supra finitum non est determinatus; potest tamen esse inter ea proportionalis quae est similitudo proportionum; sicut enim finitum-aequatur alicui finito, ita infinito infinitum. Ad hoc autem quod aliquid totaliter cognoscatur, quandoque oportet esse proportionem inter cognoscentes et cognitum; quia oportet virtutem cognoscitum adaequare co-sensibilitati rei cognitae; aquilatia autem proprietas quadam est. Sed quandoque cognoscibilis rei excedit virtutem cognoscitum; sicut cum nos cognoscimus Deum, aut e converso, sicut cum ipse cognoscit creaturas; et tunc non oportet esse proportionem inter cognoscentem et cognitum, sed proportionalitatem tantum; ut scilicet sicut se habet cognoscens ad cognoscendum, ita se habeat cognoscibile ad hoc quod cognoscatur; et talis proportionalitas sufficit ad hoc quod infinitum cognoscatur a finito, et e converso. Vel dicendum, quod proportio secundum primam nominis institutionem significat habitudinem quantitatis ad quantitatem secundum aliquem determinatum excessum vel adaequationem; sed ulterius est translatum ad significandum omnem habitudinem cuiuscumque ad aliud; et per hanc modum dicimus, quod materia debet esse proportionata ad formam; et hoc modo nihil prohibet intellectum nostrum, quamvis sit finitus, dici proportionatum ad videndum essentiam infinitam; non tamen ad comprehendendum eam, et hoc propter suam immensitatem.

Ad septimum dicendum, quod duplex est similitudo et distantiæ. Una secundum convenientiam in natura; et sic magis distat Deus ab intellectu creato quam intelligibile creatum a sensu. Alia secundum proportionalitatem; et sic est e converso, quia sensus non est proportionatus ad cognoscendum aliquod immateriale; sed intellectus est proportionatus ad cognoscendum quocumque immateriale; et haec similitudo requiritur ad cognitionem, non autem prima; quia constat quod intellectus intelligens lapidem non est similis ei in naturali esse; sicut etiam visus apprehendit mel rubeum, et fel rubrum, quamvis non apprehendat mel dulce; mellis enim rubedo magis convenit cum felle inquantum est visibile, quam dulcedo mellis cum felle.

Ad octavum dicendum, quod in visione qua Deus per essentiam videbitur, ipsa divina essentia erit quasi forma intellectus quae intelligi; nec oportet quod efficiat unum secundum esse simplificiter, sed solum quod fiat unum quantum pertinet ad actuum intelligendi, ut supra dictum est.

Ad nonum dicendum, quod dicitur Avicennæ quantum ad hoc non sustineamus, quia ei etiam ab aliis philosophis in hoc contradicitur; nisi forte velim dicere, quod Avicenna intelligit de cognitione substantiarum separatarum, secundum quod cognoscuntur per habitus scientiarum speculativarum, et similitudinem rerum. Unde hoc introducit ad ostendendum quod scientia non est in nobis substantia, sed accidens. Et tamen divina essentia quamvis plus distet secundum proprietatem naturæ

sue ab intellectu nostro quam substantia Angelorum; tamen plus habet de ratione intelligibilitatis, quia est actus purus, cui non admisetur aliquid de potentia; quod non contingit in aliis substantiis separatis. Nec illa cognitio qua Deum per essentiam videbimus, ex parte ejus quod videbitur, erit in genere accidentis, sed solum quantum ad actum ipsum intelligentis, qui non erit ipsa substantia intelligentis vel intellecti.

Ad decimum dicendum, quod substantia separata a materia intelligit se et intelligit alia; et utroque modo potest verificari auctoritas inducta. Cum enim ipsa essentia substantiae separatae sit per se ipsa intelligibilis in actu, eo quod est a materia separata, constat quod quando substantia separata intelligit se, omnino idem est intelligens et intellectus. Non enim intelligit se per aliquam intentionem abstractam a se, sicut nos intelligimus res materiales; et hic videbitur esse intellectus Philosophi in 5 de Anima, ut patet per Commentatorem ibidem. Secundum autem quod intelligit res alias, intellectum in actu fit unum cum intellectu in actu, inquantum forma intellecti fit forma intellectus, inquantum est intellectus in actu, non quod sit ipsam essentia intellectus, ut Avicenna probat in 6 de Naturalibus; quia essentia intellectus manet una sub dubiis formis, secundum quod intelligit res duas successives, ad modum quo materia prima manet una sub diversis formis; unde etiam Commentator in 5 de Anima (com. 5), comparat intellectum possiblementem quantum ad hoc materiae primæ. Et sic nullo modo sequitur quod intellectus noster videns Deum, fiat ipsa essentia divina, sed quod ipsa essentia intellectus conjugatur ad ipsum quasi perfectio et forma.

Ad undecimum dicendum, quod auctoritates illæ et omnes similes sunt intelligendae de cognitione qua cognoscimus Deum in via, ratione prius positâ.

Ad duodecimum dicendum, quod infinitum privative dictum, est ignotum, inquantum est hujusmodi; quia dicitur per remotionem complementi, a quo est cognitio rei; unde infinitum reducitur ad materiam subjectam privationi, ut patet in 5 Physic. (text. 72). Sed infinitum negative acceptum dicitur per remotionem materiae terminantis, quia forma etiam quodammodo terminatur per materiam; unde infinitum hoc modo de se maxime est cognoscibile; et hoc modo infinitus est Deus.

Ad tertiumdecimum dicendum, quod Augustinus loquitur de visione corporali, qua nunquam videbitur; quod patet ex hoc quod praemittitur. *Sicut enim videntur visibilia ista quae nominantur, Deum nemo vidit unquam nec vide potest; et est natura invisibilis sicut et incorruptibilis.* Sicut autem secundum suam naturam est maxime ens; ita et secundum se est maxime intelligibilis; sed quod a nobis quandoque non intelligatur, est ex defectu nostro; unde quod videatur postquam visus non fuit a nobis, non est ex mutatione sua, sed nostra.

Ad quartumdecimum dicendum, quod Deus in patria videbitur a sanctis sicuti est, si hoc referatur ad modum ipsius visi; videbitur enim a sanctis Deus habere illud modum quem habet; sed si referatur modus ad ipsum cognoscentem, non videbitur sicuti est, quia non erit tanta efficacia intellectus creati ad videndum, quanta efficacia divinae essentiae ad hoc quod intelligatur.

Ad quintumdecimum dicendum, quod medium in visione corporali et intellectuali invenitur triplex.

Primum est medium sub quo videtur; et hoc est quod perficit visum ad videndum in generali, non determinans visum ad aliquod speciale objectum, sicut se habet lumen corporale ad visum corporalem, et lumen intellectus agentis ad intellectum possibilem. Secundum est medium quo videtur; et hoc est forma visibilis qua determinatur uterque visus ad speciale objectum, sicut per formam lapidis ad cognoscendum lapidem. Tertium est medium in quo videtur; et hoc est id per cuius inspectionem dicitur visus in aliam rem, sicut inspiciendo speculum dicitur in ea quae in speculo representantur, et videendo imaginem dicitur in imaginatum; et sic etiam intellectus per cognitionem effectus dicitur in causam, vel e converso. In visione igitur patriæ non erit tertium medium, ut scilicet Deus per species aliorum cognoscatur, sicut nunc cognoscitur, ratione cuius dicimus nunc videre in speculo; nec erit ibi secundum medium, quia ipsa essentia divina erit qua intellectus noster videbit Deum, ut ex dieis patet; sed erit ibi tantum primum medium, quod elevabit intellectum nostrum ad hoc quod possit conjungi essentiae in-creatae modo praedicti. Sed ab hoc medio non dicitur cognitione mediata, quia non cadit inter cognoscentem et rem cognitam, sed est illud quod dicitur cognoscendi vim cognoscendi.

Ad sextundecimum dicendum, quod creaturae corporales non dicitur immediate videri, nisi quando id quod in eis est conjungibile visu, ei conjungitur; non sunt autem conjungibilis per essentiam suam ratione materialitas; et ideo tunc immediate videntur quando eorum similitudo intellectu conjungitur; sed Deus per essentiam conjungibilis est intellectui; unde non immediate videbatur, nisi essentia sua conjugeneretur intellectui; et haec visio immediata dicitur visio faciei. Et praeterea similitudo rei corporalis recipitur in visu secundum eandem rationem qua est in re, licet non secundum eundem modum essendi; et ideo similitudo illa dicit in illam rem directe. Non autem potest hoc modo ducere aliqua similitudo intellectum nostrum in Deum, ut ex dictis patet; et propter hoc non est simile.

## ARTICULUS II.

*Utrum sancti post resurrectionem Deum corporalibus oculis videbunt.* — (5 p., qu. 12, art. 5.)

Ad secundum sic proceditur. 1. Videtur quod sancti post resurrectionem Deum corporalibus oculis videbunt. Oculus enim glorificatus majoris erit virtus quam aliquis oculus non glorificatus. Sed beatus Job oculo suo Deum videbit: Job 42, 5: *Auditu auris audi vi te, nunc autem oculus meus videt te.* Ergo multo fortius oculus glorificatus Deum per essentiam videtur poterit.

2. Praeterea, Job 19, 26: *In carne mea video Deum Salvatorem meum.* Ergo videbitur quod corporalibus oculis Deus in patria videbitur.

3. Praeterea, Augustinus, 12 de Civ. Dei (cap. 29, paulo ultra medium), loquens de visa oculorum glorificatorum, sic dicit: *Vis praepollentior oculorum erit illorum, non ut acerius videant quam quidam perhibent videre serpentes vel aquilas (quantilibet enim acrimonia cernendi eadem animalia vigeant), nihil aliud possunt videre quam cor-*

*pora;* sed ut videant et incorporalia. Quaecumque autem potentia cognoscitiva est incorporalium: potest elevari ad videndum Deum. Ergo oculi gloriosi Deum videre poterunt.

4. Praeterea, quae est differentia corporalium ad incorporalia, cadem est e converso. Sed oculus incorporeus potest corporaliter (1) videre. Ergo oculus corporeus potest vide corporalia, et sic idem quod prius.

3. Praeterea, Gregorius in 3 Moral. (cap. 24 vel 25), super illud Job 4: *Stetit quidam eius non cognoscet vultum etc.*, sic dicit: *Homo qui praecepsit servare voluisse, etiam carne spiritualis futurus fuerat, factus est peccando et mente carnalis.* Sed in hoc quod est mente factus carnalis, ut ibidem dicitur, solum ei cogitat quae ad animalium per corporum imagines trahit. Ergo etiam quando carne spiritualis erit, quod post resurrectionem sancti promittitur, etiam carne spiritualia vide poterit; et sic idem quod prius.

6. Praeterea, homo solo Deo potest beatificari. Beatificabitur autem non solum quantum ad animalia, sed etiam quantum ad corpus. Ergo non solum intellectu, sed etiam carne Deum videre poterit.

7. Praeterea, sicut Deus est praesens per essentiam suam in intellectu, ita etiam erit praesens in sensu, quia erit omnia in omnibus, ut dicitur 1 Cor. 13. Sed videbitur ab intellectu ex hoc quod sua essentia ei conjungitur, ut supra dictum est. Ergo poterit etiam a sensu videri.

Sed contra est quod Ambrosius dicit super Lumen (cap. 1): *Nec corporalibus oculis Deus queritur, nec circumscribitur visus, nec tactu tenetur.* Ergo nullo modo corporali sensu Deus videbitur.

Praeterea, Hieronymus dicit (cap. 1 in Isa.): *Non solum Deitatem Patris, sed nec Filii nec Spiritum sancti, oculi carnis possunt aspicere, sed oculi mentis, de quibus dicitur: Beati mundo corde etc.*

Praeterea, idem Hieronymus dicit: *Res incorporeas corporalibus oculis non videbuntur.* Sed Deus est maxime incorporeus. Ergo etc.

Praeterea, Augustinus in lib. de videndo Deum (ut sup. cap. 2), dicit: *Deum nemo vidit unquam, vel in hac vita, sicut ipse est, vel in Angelorum vita, sicut visibilia ista quae corporali visione cernuntur.* Vita autem Angelorum dicitur vita beata, in qua resurgentibus vivent. Ergo etc.

Praeterea, secundum hoc homo dicitur factus ad imaginem Dei, quod Deum conspicere potest, ut Augustinus dicit (super Gen. ad lit. lib. 3, cap. 19 et 20). Sed homo est ad imaginem non secundum carnem, sed secundum mentem. Ergo mente, et non carne, Deum videbit.

Solrio. Respondeo dicendum, quod sensu corporali aliquid sentitur duplicitate: uno modo per se, alio modo per accidens. Per se quidem sentitur illud quod per se passionem sensu corporali inferre potest. Per se autem potest aliquid passionem inferre aut sensu inquantum est sensus, aut huic sensu inquantum est hic sensus. Quod autem hoc secundo modo infert per se passionem sensu, dicitur sensibile proprium; sicut color respectu visus, et sonus respectu auditus. Quia autem sensus inquantum est sensus, utitur organo corporali, non potest in eo aliquid recipi nisi corporaliter; cum

(1) Forte corporalia.

omne quod recipitur in aliquo, sit in eo per modum recipientis; et ideo omnia sensibilia inferunt passionem sensui inquantum est sensus, secundum quod habent magnitudinem; et ideo magnitudo, et omnia consequentia, ut motus et quietes et numerus, et hujusmodi, dicuntur sensibilia communia per se tantum. Per accidens autem sentitur illud quod non inferit passionem sensui neque inquantum est sensus, neque inquantum est hie sensus; sed conjungitur his quae per se sensui inferunt passionem; sicut Socrates, et filius Dialis, et amicus, et alia hujusmodi; quae per se cognoscuntur in universalis intellectu; in particulari autem in virtute cogitativa in homine, estimativa autem in aliis animalibus. Hujusmodi autem tunc sensus exterior dicitur sentire, quamvis per accidens, quando ex eo quod per se sentitur, vis apprehensiva, cuius est illud cognitionis per se cognoscere, statim sine dubitatione et discurso apprehendit; sicut videmus aliquem vivere ex hoc quod loquitur. Quando autem alter se habet, non dicitur illud sensus videre, etiam per accidens. Dico ergo, quod Deus nullo modo potest videri visu corporali, aut aliquo alio sensu sentiri, sicut per se visibile, nec hic nec in patria; quia si a sensu removatur id quod convenit sensui inquantum est sensus, non erit sensus; et similiter si a visu removatur id quod est visus inquantum est visus, non erit visus. Cum ergo sensus, inquantum est sensus, percipiat magnitudinem; et visus, inquantum est talis sensus, percipiat colorem; impossibile est quod visus percipiat aliquid quod non est color nec magnitudo, nisi sensus dicetur aequivoce. Cum ergo visus et sensus sit futurus illud specie in corpore gloriose, non poterit esse quod divinam essentiam videat sicut visibile per se; videbit autem eam sicut visibile per accidens, dum ex una parte visus corporalis tantum gloriam Dei inspiciet in corporibus, et praecepit gloriose, et maxime in corpore Christi, et ex parte alia intellectus tam clare videbit Deum, quod in rebus corporaliter visus Deus percipiet, sicut in locutione percipitur vita: quamvis enim tunc intellectus noster non videat Deum ex creaturis, tamen videbit eum in creaturis corporaliter visus. Et hunc modum quo Deus corporaliter posset videri, ponit Augustinus in fine de Civ. Dei (lib. 22, cap. 29), ut patet verba ejus intuenti: dicit enim sic: *Valde credibile est sic nos visueros mundana tunc corpora caeli novi vel terrea, ut Deum ubique praesentem et universa corpora gubernantem clarissima perspicuitate videamus; non sicut nunc invisibilis Dei per ea quae sunt, intellecta conspicuuntur; sed sicut homines mox ut aspiciimus, non credimus vivere, sed videmus.*

Ad primum ergo dicendum, quod verbum illud Job intelligitur de oculo spirituali, de quo dicit Apostolus Ephes. 1, 18: *Illuminatos habere oculos cordis vestri.*

Ad secundum dicendum, quod illa auctoritas non intelligitur quod per oculos carnis Deum simus visuri, sed quia in carne existentes Deum videbimus.

Ad tertium dicendum, quod Augustinus loquitor inquirendo in verbis illis, et sub conditione; quod patet ex hoc quod praemittitur: *Longe itaque alterius potentiae erunt, si per eos videbatur in corpora illa natura;* et postea subdit: *Vix itaque etc., et postmodum determinat, ut dictum est.*

Ad quartum dicendum, quod omnis cognitionis fit per aliquam abstractionem a materia; et ideo quanto forma corporalis magis abstrahitur a materia, magis est cognitionis principium; et inde est quod forma in materia existens nullo modo est cognitionis principium; in sensu autem aliquo modo, prout a materia separatur; et in intellectu nostro adhuc melius; et ideo oculus spiritualis, a quo removetur impedimentum cognitionis, potest videre rem corporalem; non autem sequitur quod oculus corporalis, in quo deficit vis cognoscitiva, secundum quod participat de materia, possit cognoscere perfecte cognoscibilia quae sunt incorpore.

Ad quintum dicendum, quod quamvis mens facta carnalis non possit cogitare nisi accepta a sensibus, tamen cogitat ea immaterialiter: et similiter oportet quod visus illud quod apprehendit, semper apprehendat corporaliter; unde non potest cognoscere illa que corporaliter apprehendi non possunt.

Ad sextum dicendum, quod beatitudo est perfectio hominis inquantum est homo; et quia homo non habet quod sit homo ex corpore, sed magis ex anima, corpus autem est de essentia hominis inquantum est perfectum per animam; ideo beatitudo hominis non consistit principaliter nisi in actu animae, et ex ea derivatur ad corpus per quamdam redundantiam, sicut patet ex his quae dicta sunt 44 dist. quest. 2, art. 4, in corp. Quaedam tamen beatitudo corporis nostri erit, inquantum Deum videbit in sensibiliis creaturis, et praecepit in corpore Christi.

Ad septimum dicendum, quod intellectus est perceptivus spiritualium, non autem visus incorporalium; et ideo intellectus poterit cognoscere divinam essentiam sibi conjunctam, non autem visus incorporalia.

#### ARTICULUS III.

*Utrum sancti in patria videendo Deum, cum comprehendant. — (1 P., quest. 12, art. 5; et 3 cont. Gen., cap. 33; de Ver., quest. 8, art. 8.)*

Ad tertium sic proceditur. 1. Videatur quod sancti in patria videendo Deum, cum comprehendant. I Corinth. 9, 24: *Sic currite ut comprehendatis. Cursum autem est ad praemium.* Ergo comprehensio Dei est praemium virtutis, quod sancti reddetur.

2. Praeterea, Augustinus dicit in lib. de videendo Deum (cap. 8): *Totum comprehendit videendo, quod ita videatur, ut nihil ipsius lateat videntem.* Sed si Deus videatur ab aliquo, nihil ipsius lateat videntem; quia cum si simplex, non potest esse quod aliquid ejus videatur, et aliquid lateat. Ergo Deus a qualibet ipsum vidente comprehenditur.

3. Praeterea, omne quod totum et totaliter videatur, comprehenditur. Sed Deus a videntibus essentiam suam totus videatur, et totaliter; quia totus Deus non est nisi ejus essentia; quilibet etiam ejus modus est ejus essentia: nec potest essentia ejus videri, nisi ipse totus, et totaliter, videatur. Ergo ab omnibus essentiam suam videntibus comprehenditur.

4. Praeterea, sicut dicitur in 3 de Anima (text. 15), intellectus eodem modo intelligit se et alia.

Sed, sicut dicit Augustinus in lib. 83 Quest. (quest. 14), omne quod se intelligit, comprehendit se. Ergo omne quod intelligit aliud, comprehendit ipsum. Sed quilibet videns essentiam divinam, intelligit ipsum. Ergo comprehendit eam.

5. Praeterea, omne illud de quo cognoscitur quid est, comprehendit; quia hoc cognoscitur quasi per suam definitionem: comprehendit autem ejus fines circumspecti possunt, ut dicit Augustinus in lib. de videendo Deum (cap. 8). Sed omne illud cuius essentia videtur, cognoscitur de eo quid est. Ergo quilibet essentiam Dei videns, comprehendit ipsum.

6. Praeterea, quantitas actionis est secundum quantitatem formae, quae est actionis principium; secundum enim quantitatem caloris est quantitas calfactionis. Sed forma, quae est cognitionis principium, est id quo cognoscens cognoscit. Ergo secundum modum ejus quo cognoscitur, est modus cognitionis. Sed illud quo cognoscitur Deus, non est aliud quam ejus essentia, ut dictum est supra; haec autem infinita est. Ergo et visio infinita; ergo ea potest divina essentia comprehendendi, quamvis sit infinita.

7. Praeterea, si essentia divina non potest comprehendendi, hoc non est nisi propter excessum claritatis ipsius. Sed excessus cognoscibilis impedit cognitionem, inquantum corruptum potentiam cognoscitivam; quod accidit tantum in sensu, non autem in intellectu, ut patet ex hoc quod dicitur in 3 de Anima (text. 7), quod qui intelligit maxima, non minus potest intelligere minima, sed magis; cuius contrarium in sensu accidit. Cum ergo divina essentia non videatur nisi per intellectum, ut dictum est; videtur quod excessus divinae claritatis comprehensionem divinam essentiam non impedit.

8. Praeterea, essentia divina comprehensibilis est ab aliquo intellectu; quia ipse Deus seipsum comprehendit. Si ergo ab intellectu humano non possit comprehendendi, hoc erit propter defectum intellectus. Sed lumen gloriae auferit omnem defectum intellectus; cum etiam per gloriam auferatur omnis corporis defectus. Ergo illi qui in lumine gloriae videbunt Deum, comprehendent ipsum.

Sed contra est quod Augustinus dicit in lib. de videendo Deum (cap. 9): *Dei plenitudinem non solun oculis corporis, sed nec ipsa mente quisquam aliquando comprehendit.*

Praeterea, sicut dicit Augustinus in lib. 83 Quest. (quest. 14), quod comprehendit se, finitum est ibi. Ergo quod comprehendit aliud, illud finitum est ei. Sed Deus non potest esse finitus alicuius intellectui creatus. Ergo nullus intellectus creatus potest Deum comprehendere.

Praeterea, Damascenus dicit in lib. (de Fide orthod., cap. 5): *Quoniam incomprehensibilis est Dei substantia, his qui divinam credunt Scripturam, non dubium est.*

Praeterea, omne quod comprehendit aliquid, vel est maius vel aequalis illi. Sed intellectus creatus non potest esse major Deo, nec aequalis. Ergo non potest ipsum comprehendere.

SOLUTIO. Respondeo dicendum, quod comprehendere dicitur quasi simul prendere, id est capere; et ideo illud proprie comprehenditur quod simul capitur, id est eum omnibus quae ejus sunt. Unde oportet quod omne comprehendendum includatur in

comprehendente; includitur autem proprie contentum in continente; et ideo oportet comprehendendum contineri in comprehendente. Sicut autem dicitur corporaliter aliquid in altero contineri, quia non excedit continens ex ulla parte secundum quantitatem dimensivam, ut vinum in dolio; ita dicitur contineri aliquid ab aliquo spiritualiter, quod substat virtutis ejus, et in nullo excedit ipsum. Et ideo tunc dicitur aliquid per cognitionem comprehendendi, quando cognitionem stat sub actu virtutis cognoscitiva, et non excedit ipsum. Excessus autem omnis est secundum aliquam quantitatem. Secundum hanc autem quantitatem dicitur cognoscibile excedere potentiam cognoscitivam, secundum quam cognoscibile est ab ipsa. Sensible autem cognoscitur et secundum quantitatem dimensivam, propter hoc quod sensus in cognoscendo uititur organo corporali, ratione cuius cognoscit sensibilia omnia quae reducuntur ad quantitatem dimensivam; et secundum quantitatem virtualē, ut patet in sensibiliis propriis, quae qualitates sunt; et ideo etiam comprehensionis sensus impeditur et propter excessum quantitatis dimensivae, sicut impeditur ne comprehendat totam terram; et propter excessum quantitatis virtualis, sicut impeditur ne comprehendat claritatem solis: quia non est tanta virtus oculi ad cognoscendum, quanta claritas solis quae est cognoscibilis. Intelligibile autem non cognoscitur ab intellectu sub ratione quantitatis dimensivae nisi per accidens, inquantum scilicet accipit a sensu; ex quo sequitur quod intelligit cum continuo; et secundum hoc intellectus impeditur a comprehensione intelligibilis propter excessum quantitatis; sicut impeditur a comprehensione linea vel numeri infiniti. Sed per se loquendo, intelligibile comparatur ad intellectum secundum rationem, quia scilicet ita communiter dicitur, non comprehendit ipsum: non quia partem ejus videat et partem non videat; sed quia modus quo cognoscit, deficit a modo quo est cognoscibilis per demonstrationem. Essentia autem divina est cognoscibilis per veritatem suam; intellectus autem est cognoscitivus per lumen intellectuale quod est in ipso. Veritas autem divinae essentiae excedit lumen quocumque intellectus creatus; et ideo impossibile est quod videat Deum ita perfectly sicut est visibilis; et ex hoc sequitur quod nullus intellectus creatus Deum comprehendere possit.

Ad primum ergo dicendum, quod Apostolus loquitur de comprehensione gloriae, qua scilicet fit ut anima capiat in se omne illud quod ad perfectionem gloriae pertinet; et secundum hoc dicitur gloriam comprehendere, quamvis nunquam essentiam intellectu comprehendat. Vel comprehensionis ibi dicitur ipsa pervenit ad habendum Deum, secundum quod spei dicitur comprehensionis succedere.

Ad secundum dicendum, quod Augustinus duo ponit in definitione comprehensionis; quorum uno

(1) Supple angulos aequales duobus rectis.

excluditur excessus cognoscibilis supra virtutem cognoscientis, quae est secundum quantitatem dimensivam; et quantum ad hoc dicit: *Quod ita videtur ut nihil ejus lateat videntem;* alio autem excluditur excessus secundum quantitatem virtutis; et quantum ad hoc dicit: *Aut ejus fines circumspici possunt;* tunc enim fines rei circumspicuntur quando vident pervenit ad finem visionis perfecte vidento.

Ad tertium dicendum, quod totam essentiam divinam sancti videbunt in patria, sed non totaliter; non ita quod aliquis modus sit in Deo quem non videat, vel aliquis modus sit intellectus ipsorum qui non convertuntur ad Deum; sed quia modus quo convertuntur ad Deum cognoscendum, non est aequalis modo quo Deus est cognoscibilis; et haec inegalitas ostendit eum dicitur, quod divina essentia non totaliter videbitur; hoc enim ad verbum *totaliter* neque dicit modum videntis absolute, neque modum absolute rei visae; sed modum videntis per comparationem ad rem visam: hoc enim adverbium determinat ipsum visionem, secundum quam comparatur videnta ad visum.

Ad quartum dicendum, quod quando aliquid intelligit se, idem est modus cognoscientis et cogniti; et ideo si intelligit se, comprehendit se. Non est autem idem modus cognoscientis et cogniti quando intellectus intelligit aliud; et ideo non est simile.

Ad quintum dicendum, quod eodem modo aliquis cognoscit quid est res quo cognoscit essentiam rei, cum ipsa essentia sit quidditas rei; et ideo ille solus comprehendit quid est res, qui comprehendit essentiam; unde sicut sancti videbunt essentiam divinam, sed non comprehendent ipsam; ita videbunt quid est Deus, sed non comprehendent; et ita (1) non videbunt Deus ab eis sicut videtur res per suam definitionem, cuius essentia comprehenditur.

Ad sextum dicendum, quod actio non attribuitur formae tantum, quae est principium actionis, sed composito; sicut calefactio calido, non calor tantum; et ideo actionem oportet mensurare non solum secundum formam, quae est principium actionis, sed etiam secundum subjectum formae. Sed forma quae non est per se subsistens, non habet alium modum a modo subjecti, quia non habet esse nisi inquantum est actus talis subjecti; et ideo mensura formae est mensura compositi; sed forma quae est per se subsistens, habet aliquem modum inquantum est res quaedam subsistens, et quemdam modum, secundum quod est actus talis subjecti; et hic modus accipitur secundum mensuram qua perfecte pertinet ut perfecti tali forma; et ex hoc modo mensuratur actio. Essentia autem divina est per se subsistens; et ideo visio quae per eam fit in intellectu creato, non mensuratur secundum modum infinitum, qui est ipsius essentiae secundum se, sed secundum modum quo intellectus pertinet ad hoc quod per ipsum perficiatur. Ad hoc autem pertinet, inquantum ei conjungitur per lumen gloriae, quod est finitum; et ideo finitum est ex parte videntis.

Ad septimum dicendum, quod claritas Dei dicitur veritas sua essentiae, per quam cognoscibilis est, sicut sol per suam claritatem; et quoniam non impedit comprehensionem per corruptionem intellectus, impedit tamen ex ipso excessu; quia non potest contingere quod intellectus creatus pertinet-

gat ad cognoscendum ita perfecte divinam essentiam sicut cognoscibilis est.

Ad octavum dicendum, quod gloria perfecti naturam, et non destruit; et ideo imperfectionem, quae est de ratione naturae, lumen gloriae non tollit, sicut hoc quod est ex nihilo esse; ex hoc autem ipso intellectus creatus deficit a possibility comprehensionis; et ideo nec per lumen gloriae ad comprehensionem pervenire potest.

#### ARTICULUS IV.

*Utrum eorum qui vident Deum per essentiam, unus alio videat perfectius. — (1 p., quæst. 16, art. 6; et 5 contra Gen., cap. 58.)*

Ad quartum sic proceditur. 1. Videtur quod eorum qui vident Deum per essentiam, unus alio non videat perfectius. Quia, ut dicit Augustinus in lib. 85 Qq. (quæst. 52), eamdem rem non potest unus alio magis intelligere. Sed divina essentia non videbitur nisi per intellectum. Ergo unus alio non videbit plenus.

2. Praeterea, tanto aliquid perfectius videtur, quanto expressor similitudini rei in se fit in vidente. Sed non erit expressor similitudini qua Deus videatur in uno quam in alio eorum qui Deum per essentiam vident: quia eadem essentia est in omnibus. Ergo unus alio non melius videbit.

3. Praeterea, ille melius videt a quo magis removet impedimentum visionis. Sed in nullo remanebit aliquod visionis impedimentum. Ergo omnes aequaliter videbunt.

4. Praeterea, omnes sancti videbunt Deum sicut est in 1 Joan. 5. Sed non potest melius videri quam sit. Ergo unus alio non melius videbit.

5. Praeterea, optimus modus cognoscendi Deum est quo videtur per essentiam. Sed optimo non potest esse melius. Ergo videntum Deum per essentiam unus alio melius non videt.

Sed contra, homines assumuntur ad sortes Angelorum. Sed superiores Angeli Deum clarius videant quam inferiores, ut patet per Dionysium in caelesti. Hierar. (cap. 3, 8 et 10). Ergo et hominem in gloria quidam alii clarius videbunt.

Praeterea, in visione Dei consistit essentialiter hominis beatitudine. Sed quidam alii beatiores erunt, ut supra dictum est. Ergo quidam alii clarius videbunt.

Praeterea, in lumine gloriae Deus a sanctis videbitur, sicut dicitur in Psal. 53, 10: *In lumine tuo videbimus lumen.* Sed quidam alii majori lumine replebuntur. Sicut enim stella differt a stella in claritate, sic erit resurrectio mortuorum, ut dicitur 1 Corin. 15. Claritas autem corporis claritatem indicabit mentis. Ergo quidam clarius videbunt Deum.

SOLUTIO. Respondeo dicendum, quod eum principium actionis sit forma qua agitur, oportet ex parte eius sum actionis mensuram; aliter autem in formis subsistentibus quam in aliis formis, ut prius dictum est. In aliis enim formis est quantitas fortitudinis in actione secundum quantitatem ejus quod receptum: est de forma in subiecto, ut de calore in calido; in formis autem subsistentibus, secundum quod subiectum subditur formae magis vel minus. Potentia autem cognoscitiva subditur formae qua cognoscit, secundum hoc quod habet

virtutem cognoscendi. Illud enim quod facit visum potentem ad videndum est quod facit eum receptivum similitudinis coloris. Sic autem intellectus possibilis per lumen naturale intellectus agentis fit cognoscitus naturalium cognoscibilium, ita per lumen gloriae superadditum fit visus divinae essentiae; unde secundum quantitatem recepti luminis accipitur modus quo substat intellectus noster essentiae divinae ut formae intelligibili; et per consequens modus perfectionis in operatione, cuius talis forma est principium, scilicet in visione Dei per essentiam; et ideo, cum quidam sancti alii majori lumine gloriae repleantur, quidam alii clarius videbunt.

Ad primum ergo dicendum, quod unus alio non potest aliquid idem magis intelligere, si *ly magis* importat modum qui est ex parte intellectus. Non enim potest esse ut aliquis intelligat rem, nisi intelligendo rem habere illum modum quem habet; si enim alium modum rei attribuit, errat, et non intelligit; et sic intelligit Augustinus. Sed si *ly magis* dicat modum qui est ex parte intelligentis, sic unus alio melius potest intelligere, inquantum est limpidior ejus cognitione de uno et eodem cognoscibili.

Ad secundum dicendum, quod quamvis in intellectu unius sancti non sit expressio similitudini Dei qua ipsum cognoscit, quam in alio, quia quilibet per essentiam suam Deum videt: tamen intellectus unius perfectius substat formae qua intelligit, quam intellectus alterius; et ita unus alio perfectius intelligit.

Ad tertium dicendum, quod intensio secundum quam aliquid dicitur magis et minus, non solum causatur per recessum a contrario, sed etiam per accessum ad terminum; sicut patet in intensione lucis corporalis; et sic etiam lumen spirituale intenditur in uno beatorum magis quam in alio per maiorem assimilationem ad Deum, quamvis in nullo inventari aliquid contrarium illi lumen.

Ad quartum dicendum, quod cum dicitur, Omnes sancti videbunt Deum sicut est, *ly sicut* importat modum qui est ex parte visi, non qui sit ex parte videntis. Quilibet enim videbit Deum esse eo modo quo est; sed tamen modus videntis non erit aequalis modo rei visae, sed in infinitum distans; et ita modus unius videntis potest esse minus distans quam modus alterius.

Ad quintum dicendum, quod videre Deum per essentiam est perfectissimus modus cognoscendi Deum secundum genus; sed tamen in hoe genere potest magis et minus inveniri; sicut ignis est subtilissimus corporum specie; et tamen unus ignis alio subtilior invenitur.

#### ARTICULUS V.

*Utrum sancti videntes Deum per essentiam, omnia videant quae Deus in se ipso videt. — (1 p., quæst. 12, art. 8; et 5 contra Gen., cap. 39; et de Ver., quæst. 8, art. 4.)*

Ad quantum sic proceditur. 1. Videtur quod sancti videntes Deum per essentiam, omnia videant quae Deus in se ipso videt. Quia, ut dicit Isidorus in lib. de Summo Bono (1, cap. 12, §. 18), Angelii in Verbo Dei omnia sciunt antequam fiant. Sed sancti Angelis aequales erunt, ut patet Matth. 22. Ergo et sancti vidento Deum omnia videbunt.

S. Th. Opera omnia. V. 7.

2. Praeterea, Gregorius dicit (1): *Quia illæ omnes communia claritate Deum conspicunt, quid est quod ibi nesciant, ubi scientem omnia sciunt?* Loquitur autem de beatis qui vident Deum per essentiam. Ergo qui vident Deum per essentiam, omnia cognoscit.

3. Praeterea, sicut dicit in 3 de Anima (text. 7), intellectus, cum intelligit maxima, magis intelligere potest et minima. Sed maximum intelligibile est Deus. Ergo maxime auget virtutem intellectus in intelligendo; ergo intellectus Deum vident, omnia intelligit.

4. Praeterea, intellectus non impeditur ab intelligendo aliquid, nisi inquantum illud superat ipsum. Sed intellectus Deum videntem nulla creatura superat: quia, ut dicit Gregorius in 2 Dial. (cap. 53), *animæ videnti Creatorem angusta fit omnis creatura.* Ergo videntes Deum per essentiam omnia cognoscunt.

5. Praeterea, omnis potentia passiva quae est non reducta ad actum, est imperfecta. Sed in possibili intellectu animæ humanae est potentia quasi passiva ad cognoscendum omnia: quia intellectus possibilis est quo est omnia fieri, ut dicitur in 5 de Anima (text. 18). Si ergo in illa beatitudine non intelligeret omnia, remaneret imperfectus; quod est absurdum.

6. Praeterea, quicumque videt speculum, videt ea quae in speculo resultant. Sed in Verbo Dei omnia sicut in speculo resultant: quia ipsum est ratio et similitudo omnium. Ergo sancti qui vident Verbum per essentiam, vident omnia creata.

7. Praeterea, ut dicit Prov., cap. 10, 24, *Desiderium suum justus dabitur.* Sed sancti desiderant omnia scire: quia omnes homines natura scire desiderant (ut in princ. Metaph.); nec natura per gloriam auferuntur. Ergo dabitur eis a Deo quod omnia cognoscunt.

8. Praeterea, ignorantia est quedam poenalis praesentis vitae. Sed omnis poenalis a sanctis per gloriam auferetur. Ergo et omnis ignorantia; et ita omnia cognoscunt.

9. Praeterea, beatitudine sanctorum per prius est in anima quam in corpore. Sed corpora sanctorum reformabuntur in gloriam ad similitudinem corporis Christi, ut patet Philipp. 3. Ergo et animæ perfectientur ad similitudinem animæ Christi. Sed anima Christi in Verbo omnia videt, ut in 3 libro, dist. 14, quæst. 1, art. 2, quæstiunc. 2, dictum est. Ergo et omnes animæ sanctorum videbunt omnia in Verbo.

10. Praeterea, sicut sensus, ita et intellectus cognoscit omne illud in cuius similitudinem informatur. Sed divina essentia expressius indicat quamlibet rem quam aliqua alia similitudo rei. Ergo cum in illa beata visione essentia divina fiat quasi forma intellectus nostri, videtur quod sancti videntes Deum omnia videant.

11. Praeterea, Commentator dicit in 5 de Anima (com. 56), quod si intellectus agens esset forma intellectus possibilis, intelligeremus omnia. Sed divina essentia clarius representant omnia quam intellectus agens. Ergo intellectus videntis Deum per essentiam cognoscit omnia.

12. Praeterea, propter hoc quod inferiores Angeli nunc non omnia cognoscant, illuminantur de-

(1) Lib. 4 Dialog., cap. 53. (Ex edit. P. Nicolai).

ignotis a superioribus. Sed post diem judicij Angelus non illuminabit Angelum: tunc enim omnis praelatio cessabit, ut dicit Glossa 1. Corinth. 13, (vers. 24). Ergo inferiores Angeli tunc omnia scient; et eadem ratione omnes alii sancti Deum per essentiam videntes.

Sed contra, sicut dicit Dionysius (in 8 cap. celest. Hier.), Angeli superiores inferiores a nescientia purgant. Angeli autem inferiores vident essentiam divinam. Ergo Angelus videns essentiam divinam potest (1) aliquam nescire. Sed anima non perfectus vident Deum quam Angelus. Ergo animae videntes Deum non oportet quod omnia videant.

Præterea, solus Christus habet spiritum non ad mensuram, ut dicitur Joan. 3. Sed Christo, in quantum habet spiritum non ad mensuram, competit quod omnia in Verbo cognoscantur; unde ibidem dicitur, quod Pater omnia dedit in manu ejus. Ergo nulli alii competit omnia cognoscere in Verbo nisi Christo.

Præterea, quanto aliquid principium perfectius cognoscitur, tanto plures effectus ejus cognoscuntur per ipsum. Sed quidam videntem Deum per essentiam perfectius alii cognoscunt Deum, qui est rerum omnium principium. Ergo quidam alii plura cognoscunt; et ita non omnes scient omnia.

SOLUTIO. Respondeo dicendum, quod Deus videntem suam essentiam cognoscit omnia que sunt vel erunt vel fuerint; et hoc dicitur cognoscere notitia visionis, quia ad similitudinem visionis corporalis cognoscit ea quasi presentem. Cognoscit insuper videntem essentiam suam, omnia que potest facere, quamvis nunquam fecerit vel facturus sit: alias non perfecte cognoscere potest suam non enim potest cognoscere potentiam nisi sciantur potentiae objecta; et hoc dicitur cognoscere notitia simplicis intelligentiae. Impossible est autem quod alius intellectus creatus cognoscatur omnia videntem essentiam divinam, que Deus potest facere: quia quanto aliquid principium perfectius cognoscitur, tanto plura sciantur in ipso; sicut in uno demonstrationis principio ille qui est perspicacioris ingenii, plures conclusiones vident quam aliis qui est ingenii tardioris. Cum ergo quantitas potentiae divinae attendatur secundum ea in quae potest; si alius intellectus viderit in divina essentia omnia que Deus potest facere, eadem esset quantitas perfectionis in intellegendo quea est quantitas divinae potentiae in producendo effectus; et ita comprehendetur divinam essentiam; quod est impossibile omni creato intellectu. Illa autem quea Deus seit notitia visionis, alius intellectus creatus cognoscit; in Verbo scilicet anima (2) Christi, ut in lib. dist. 14, dictum est.

Sed de aliis videntibus divinam essentiam est duplex opinio.

Quidam enim dicunt, quod omnes videntes Deum per essentiam, vident omnia quea Deus videt scientia visionis. Sed hoc repugnat sanctorum dictis, qui ponunt Angelos aliqua ignorare; quos tamen constat secundum fidem omnes Deum per essentiam videre.

Et ideo alii dicunt, quod alii a Christo, quamvis videant Deum per essentiam, non tamen vident omnia quea Deus videt, eo quod essentiam divinam non comprehendunt. Non est enim necessarium quod

(1) Al. non potest.

(2) Al. in anima.

scent causam, sciat omnes ejus effectus, nisi eam comprehendat, quod non competit intellectui creare; et ideo unusquisque videntem Deum per essentiam tanto plura in ejus essentia conspiciat, quanto clarius divinam essentiam intutetur; et inde est quod de his potest unus alium instruere; et sic scientia Angelorum et animarum sanctarum potest angeli usque ad diem judicij, sicut et alii quae ad praemium divinitatis pertinent. Sed ulterius non proficit (1); quia tunc erit ultimus status rerum, et in isto statu possibl erit quod omnes omnia cognoscere quea Deus scientia visionis novit.

Ad primum ergo dicendum, quod hoc quod dicit Isidorus quod sciunt Angelii in Verbo omnia antequam fiant, non potest referri ad illa quea Deus seit scientia simplicis intelligentiae tantum, quia illa nunquam fient; sed referendum est ad ea tantum quea Deus seit scientia visionis; de quibus etiam dicit, quod non omnes Angelii ea omnia cognoscant, sed forte aliqui, et illi etiam qui cognoscunt, non perfecte omnia cognoscunt. In una enim re est multas rationes intelligentias considerare, sicut diversas ejus proprietates et habitudines ad res alias; et possibile est quod eadem re scita communiter a duobus, unus alio plures rationes percipiat, et haec rationes unus ab alio accipiat; unde et Dionysius dicit (7 cap. de div. Nom.), quod inferiores Angeli docentur a superioribus rerum scientib; rationes; et ideo etiam Angelii qui omnes creature cognoscunt, non oportet quod omnia quea ei sint intelligibili possunt, participant.

Ad secundum dicendum, quod ex verbo illo Gregorii ostenditur quod in illa beata visione est sufficientia ad omnia intuenda ex parte divinae essentiae, quae est medium quo videtur, per quam Deus omnia videt; sed quod non omnia videantur, est ex defectu intellectus creatus, qui divinam essentiam non comprehendit.

Ad tertium dicendum, quod intellectus creatus non videt divinam essentiam secundum modum ipsius essentiae, sed secundum modum proprium, qui finitus est: unde non oportet quod ejus efficiatur in cognoscendo ex visione praedicta amplietur in infinitum ad omnia cognoscendum.

Ad quartum dicendum, quod defectus cognitionis non solum procedit ex excessu et defectu cognoscibilis super intellectum; sed etiam ex hoc quod intellectu non conjungitur id quod est ratio conjungibilis; sicut visus non videt lapidem quandoque ex hoc quod species non est ei conjuncta. Quamvis autem intellectui videntis Deum conjungatur ipsa divina essentia, quae est omnium ratio; non tamen conjungitur ei prout est omnium ratio, sed secundum quod est ratio aliquorum; et tanto plurimum quanto quisque plenus divinam essentiam intuetur.

Ad quintum dicendum, quod quando potentia passiva est perfectibilis pluribus perfectionibus ordinatis; si perfecta sit sua ultima perfectione, non dicitur imperfecta etiam si aliquae dispositiones praecedentes ei desint. Omnis autem cognitionis qua intellectus creatus perficitur, ordinatur, sicut ad finem, ad Dei cognitionem. Unde vident Deum per essentiam, etiam si nihil aliud cognoscetur, perfectum intellectum haberet; nec est perfectior ex hoc quod aliquid aliud cum ipso cognoscit. nisi

(1) Al. non perficit.

quatenus ipsum plenus videt. Unde Augustinus in 5 Confes. (cap. 4): *Infelix homo qui scit omnia illa, scilicet creature, te autem nescit; beatus autem qui te seit, etiam si illa nesciat. Qui vero te et illa novit, non propter illa beatior, sed propter te tantum beatus.*

Ad sextum dicendum, quod speculum illud est voluntarium; et sicut se ostendet cui vult, ita in se ostendet que vult: nec est simile de speculo materiali, in cujus potestate non est quod videatur vel non videatur. Unde dicendum, quod in speculo materiali tam res quam speculum videntur sub propria forma, quamvis speculum illud videatur per formam receptam, lapis vero per formam propriam resultantem in re alia; et ideo per quam ratione cognoscitur unum, et aliud. Sed in speculo inerante videatur aliquid per formam ipsius speculi, sicut effectus videatur per similitudinem causae, et e converso; et ideo non oportet quod quicunque videt speculum aeternum, videat omnia quea in speculo resultant; non enim necesse est quod videns causam, videat omnem effectus ejus, nisi comprehendat causam.

Ad septimum dicendum, quod sanctorum desiderium quo omnia scire desiderant, impletur ex hoc solum quod Deum videbunt; sicut desiderium eorum, quo omnia bona habere cupiunt, complebitur in hoc quod Deum habebunt. Sicut enim Deus in hoc quod habet perfectam bonitatem, sufficit affectui; et eo habito omnia bona quadammodo habentur; ita ejus visio sufficit intellectui. Joan. 14, 8: *Domine ostende nobis Patrem, et suffici nobis.*

Ad octavum dicendum, quod ignorantia proprie accepta in privationem sonat; et sic poena est: sic enim ignorantia est nescientia aliorum quea sciri debent, vel quea necesse est scire. Nullius autem eorum scientia sanctis deerit in patria. Quandoque autem ignorantia accipitur communiter pro omni nescientia; et sic Angelii et sancti in patria quadam ignorabunt; unde Dionysius dicit (de cael. Hierar., cap. 7), quod Angelii a nescientia purgantur. Sic autem ignorantia non est penitentia, sed defectus quidam. Sic autem necesse est quod omnis talis defectus per gloriam auferatur; sic enim etiam posset dici, quod defectus est in Lino, quod non pervenit ad gloriam Petri.

Ad nonum dicendum, quod corpus nostrum conformabitur corpori Christi in gloria secundum similitudinem, non secundum aequalitatem; erit enim clarum sicut et corpus Christi, sed non aequaliter. Et similiter anima nostra habebit gloriam ad similitudinem animae Christi, sed non ad aequalitatem; et ita habebit scientiam sicut anima Christi, sed non tantam, scilicet ut sciat omnia, sicut anima Christi.

Ad decimum dicendum, quod quamvis essentia divina sit ratio omnium cognoscibilium, non tamen conjungetur cuilibet intellectui creato, secundum quod est ratio omnium; et ideo ratio non sequitur.

Ad undecimum dicendum, quod intellectus agentis est forma proportionata intellectui possibili, sicut etiam potentia materiae est proportionata potentiae agentis naturalis; ut omne quod est in potentia passiva materiae vel intellectus possibilis, sit in potentia activa intellectus agentis vel naturalis agentis; et ideo si intellectus agentis fuerit forma intellectus possibilis, oportet quod intellectus possibilis cognoscat omnia ad quae se extendit virtus

intellectus agentis. Divina autem essentia non est forma hoc modo intellectui nostro proportionata; et ideo non est simile.

Ad duodecimum dicendum, quod nihil prohibet dicere, quod post diem judicij, quando gloria hominum et Angelorum erit penitus consummata; omnes beati scient omnia quae Deus scientia visionis novit, ita tamen quod non omnes omnia videant in essentia divina; sed anima Christi ibi plene videbit omnia, sicut et nunc videt; alii autem videbunt ibi plura vel pauciora secundum gradum quo Deum cognoscunt; et sic anima Christi de his quae p[ro]p[ri]e aliis videt in Verbo, omnes alias illuminabit: unde dicitur Apoc. 21 quod claritas Dei illuminat civitatem beatorum, et lucerna ejus est Agnus; et similiter (1) Angeli superiores illuminabunt inferiores, non quidem nova illuminatione, ut scientia inferiorum per hoc augentur, sed quadam continuatione illuminationis; sicut si intelligatur quod sol quiescens illuminat aerem; et ideo dicitur Dan. 17, 5, quod qui ad justitiam erudiant multos, fulgebunt quasi stellae in perpetuas aeternitates. Praelatio autem ordinis dicitur cessatura quantum ad ea quea nunc circa nos per eorum ordinata ministeria (2) exercentur, ut patet etiam per Glosam ibidem.

#### ARTICULUS VI.

*Utrum aliquis intellectus creatus ex propriis naturalibus possit Deum per essentiam videre.*

— (1) p[ro]p[ri]e, quæst. 7, art. 4; 5 contr. Gent., cap. 32; de Ver., quæst. 2, art. 5; et 1-2, quæst. 3, art. 5.

Ad sextum sic proceditur. 1. Videtur quod aliquis intellectus creatus ex propriis naturalibus possit Deum per essentiam videre. Secundum enim multorum opinionem, Angelii in solis naturalibus creantur. Sed Angelii in principio sue creationis vivent res in Verbo, ut dicit Augustinus super Genes. ad literam (lib. 11, cap. 8); et hoc dicitur eorum (3) cognitione matutina. Ergo aliquis intellectus creatus ex propriis naturalibus Deum per essentiam videre potest.

2. Praeterea, boni Angelii et mali non communicant nisi in naturalibus. Sed Angelii mali vident Deum per essentiam; quod patet ex hoc quod habebunt Job 1, 11: *Cum assisterent filii Dei, affut etiam inter eos Satan.* Assistentes autem nominantur Angelii secundum Gregorium (lib. 1 Moral., cap. 2 et 3), qui intima contemplatione perfruuntur. Ergo Angelii ex propriis naturalibus Deum per essentiam videre possunt.

3. Praeterea, ille qui potest videre illud quod est minus intelligibile, potest videre illud quod est magis intelligibile, ut Commentator dicit in 3 de Anima (comm. 7). Sed divina essentia est magis intelligibilis quam ista materialia; quae non sunt intelligibilia, nisi quia nos facimus ea esse intelligibilia; ipse autem Deus, cum omnino sit a materia immunis; per seipsum est intelligibilis. Cum ergo nos videamus ex propriis naturalibus creature materialies, videtur multo fortius quod ex propriis

(1) Al. quod similiter.

(2) Al. mysteria.

(3) Al. rerum.

